



SIUMUT INATSISARTUNI ILAASORTAATITAT

17. december 2012

Inatsisartut Suleriaasianni § 37 naapertorlugu Naalakkersuisut apeqqutit imaattut matumuuna saqqummiuppakka:

- 1) **Illoqarfinni nunaqarfinniluunniit ataatsimit amerlanerusunit uuliaarniartoqassatillugu, piumasaqaatit tunngavissallu suut naammassineqarsimasariaqarpat?**
- 2) **Piumasaqaatit tunngavissallu suunissaat kia aalajangersortarpaa?**
- 3) **Orsussaarniarfinnut nutaanut avatangiisinut tunngatillugu piumasaqaatit suut piumasaqaatigineqartarpat, tassunga ilanngullugu uuliaajaatit kiisalu kuuttuukkanut katersiviit?**
- 4) **Orsussaarniarfiit nutaat § 5 naapertorlugu suliffeqarfittut annertuumik mingutsitsisutut akuersissut atorlugu akuerineqartartussaappat?**
- 5) **Aatsitassarsiornermik ingerlatsisut Kalaallit Nunaannut isertitsissutaasussamik KNI/Polaroil aqutigalugu orsussamik pisisassappat?**

Avatangiisinut, isumannaallisaanermut kiisalu allatigut piumasaqaataasut akissuteqaammut ilanngunnissaat piumasarineqarpoq.

- 6) **Solaroliap benzinallu akisunerpaaffissaanik aalajangersaareermermi pineqartumi unamillertoqarsinnaaneramik Naalakkersuisut anguniagaqanerat assersuutigalugu illoqarfinni anginerusuni ataasiinnarmik uuliaarniamik akuersinikkut anguneqartutut taaneqarsinnaava?**
- 7) **Assersuutigalugu Ilulissani, nunatsinni illoqarfinni annerpaanut sisamanut ilaasunut nutserfigilluarneqartumi, tamatumalu nassatarisaanik ikummatissanik imerpalasunik annertunerujartortumik atuiiffiusumi ataatsimit amerlanerusumik orsussaarniartoqarsinnaanera Naalakkersuisut pitsaasuutippaat?**
- 8) **Illoqarfinni nunaqarfinnilu ataasiakkaani orsussaaniarnermik ingerlataqartutut KNI/Polaroil-imi pisinikkut solaroliamut, benzinamut orsussanullu imerpalaunut ataasiakkaanut tunisat naapertorlugit akikilliliissutitut tunniunneqartartut Naalakkersuisut ilisimaaraat?**

Akissuteqaammut ilanngullugu ukiuni kingullerni sisamani illoqarfinni nunaqarfinnilu ataasiakkaani solarolia, benzin kiisalu orsussat ikummatissat imerpalasut allat qanoq annertutigisut ukiumut tunineqartarnerannut naatsorsoqqissaakkat ilanngunneqarnissaat

kissaatigaara.

(Inatsisartunut ilaasorta Kim Kielsen, Siumut)

Tungavilersuut:

Ulliaarniartut akornanni unammillertoqarsinnaalernissaa anguniarlugu Naalakkersuisut solaroliamut benzinamullu akit qaffasinnerpaaffissaannik aalajangersaapput, tamannalu innuttaasunut ataasiakkaanut iluaqutaasumik kinguneqarsinnaavoq, taamaattoq illoqarfinni ikittuinnarni uuliaarniarnermik nioqquteqartut arlaqarnerat pillugu paasissutissanik pigisaqaratta, pineqartumi piumasaqaatit tungavissallu suut naammassineqartussaanerisa paasinarsisinneqarnissaat kissaatigineqarpoq.